

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1963/25
Sarajevo, 11.11.2025. godine

Z A P I S N I K
22. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 30.10. i 11.11.2025. godine

Sjednica je počela sa radom u 13 sati i 5 minuta.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegatkinje i delegate, ministre u Vladi Federacije Bosne i Hercegovine te predstavnike medijskih kuća i ostale goste koji prate rad sjednice.

Izostanak sa sjednice najavili su delegati Arman Zalihić i Ivan Odak.

Prema evidenciji Stručne službe, sjednici prisustvuje 70 delegata, što čini većinu, pa Dom naroda može raditi i punovažno odlučivati.

Prije prelaska na rad puštena je himna Bosne i Hercegovine.

Predsjedavajući je predložio da se prije prelaska na rad glasa o usvajanju Zapisnika 21. sjednice Doma naroda Parlamenta Federacije Bosne i Hercegovine.

Na osnovu rezultata glasanja, predsjedavajući je konstatovao da je Dom naroda, bez primjedbi, sa 61 glasom za, bez glasova protiv i bez uzdržanih glasova, usvojio Zapisnik 21. sjednice Doma naroda Parlamenta Federacije Bosne i Hercegovine.

Predsjedavajući je prije utvrđivanja dnevnog reda napomenuo delegate da na osnovu člana 104. Poslovnika o radu Doma naroda mogu postavljati delegatska pitanja i pokretati inicijative.

Fatima Gavrankapetanović-Smailbegović je pokrenula jednu inicijativu i postavila jedno pitanje.

Inicijativu je uputila prema Federalnom ministarstvu zdravstva, Federalnom ministarstvu finansija i Vladi Federacije Bosne i Hercegovine radi hitnog razmatranja i rješavanja problema finansiranja nastalih donošenjem odluke Zavoda zdravstvenog osiguranja i reosiguranja Federacije BiH o obustavi sufinansiranja.

Pitanje je postavila predsjedavajućem Doma naroda Tomislavu Martinoviću - kada se može očekivati prisustvo ministra Nediljka Rimca sjednicama Doma naroda kako bi odgovorio na postavljena pitanja.

Emir Dautović je postavio dva pitanja.

Prvo pitanje uputio je ministru Federalnog ministarstva unutrašnjih poslova a odnosi se na raspolaganje informacijama da li je predstavnik Ministarstva unutrašnjih poslova Unsko-sanskog kantona tražio pomoć u vezi sa rješavanjem slučaja nestanaka pacijenata iz Kantonalne bolnice „Dr. Irfan Ljubijankić“.

Drugo pitanje uputio je Federalnom ministarstvu za pitanja boraca i invalida odbrambeno-oslobodilačkog rata vezano za postojanje razloga za formiranje radne grupe koja je radila na izmjeni Zakona o pravima demobiliziranih branilaca i članova njihovih porodica a koji tretira visinu boračkog dodatka.

Belma Kapo pokrenula je inicijativu i postavila dva pitanja.

Inicijativu je pokrenula prema Vladi Federacije Bosne i Hercegovine, odnosno premijeru Federacije Bosne i Hercegovine u vezi sa nezaprimanjem pisanog odgovora od Federalnog ministarstva zdravstva o listi lijekova Fonda solidarnosti koja datira iz 2019. godine, te je zatražila od Vlade Federacije Bosne i Hercegovine da preispita rad Upravnog odbora Zavoda zdravstvenog osiguranja i reosiguranja Federacije Bosne i Hercegovine kojem je odavno istekao mandat.

Prvo pitanje uputila je Zavodu zdravstvenog osiguranja i reosiguranja Federacije Bosne i Hercegovine vezano uz dostavljanje detaljnih informacija o programima čije je finansiranje obustavljeno zbog nedostatka finansijskih sredstava.

Drugo pitanje, također, upućuje Zavodu zdravstvenog osiguranja i reosiguranja Federacije Bosne i Hercegovine u vezi sa lijekovima sa trenutne liste lijekova Fonda solidarnosti a koje Zavod nije u mogućnosti osigurati bolničkim ustanovama i razlog za njihovo neosiguravanje.

Anto Bilić pokrenuo je inicijativu prema Federalnom ministarstvu zdravstva u vezi sa osnivanjem radne grupe za izradu registra onkoloških pacijenata u Federaciji Bosne i Hercegovine.

Sandra Imširović postavila je pet pitanja.

Prvo pitanje postavila je Zavodu za zdravstveno osiguranje i reosiguranje Federacije Bosne i Hercegovine u vezi sa nedostatkom potrebnih lijekova iz Fonda zdravstvenog osiguranja za liječenje onkoloških pacijenata Univerzitetskog kliničkog centra Tuzla.

Drugo pitanje postavila je Federalnom ministarstvu energije, rudarstva i industrije vezano uz tehničke probleme na Bloku 5. Termoelektrane Tuzla te koje su mjere poduzete s ciljem sprječavanja daljnjeg zagađenja zraka i osiguranja redovnog održavanja filtera sistema za odsumporavanje.

Treće pitanje postavila je Federalnom ministarstvu okoliša i turizma vezano uz plan sanacije i modernizacije postrojenja u Termoelektrani Tuzla, rokove i mehanizme kontrole za provođenje mjera u skladu sa evropskim ekološkim standardima.

Četvrto pitanje postavila je Federalnoj upravi za inspekcijske poslove u vezi sa inspekcijskim nadzorom u Termoelektrani Tuzla, posebno u Bloku 5 u posljednjoj godinu.

Peto pitanje postavila je Federalnom ministarstvu zdravstva u vezi sa mjerama za zaustavljanje masovnog odlaska ljekara i medicinskog osoblja iz Federacije Bosne i Hercegovine.

Fahrudin Čolaković postavio je tri pitanja.

Prvo pitanje uputio je Poreznoj upravi Federacije Bosne i Hercegovine u vezi sa brojem zaposlenih u Federaciji Bosne i Hercegovine, zaključno sa augustom 2025. godine.

Drugo pitanje postavio je Vladi Federacije Bosne i Hercegovine u vezi sa poduzimanjem mjera za dugoročno otklanjanje problema snabdijevanja namjenske industrije baruta.

Također, istakao je da nije dobio odgovor na pitanje koje je postavio Vladi Federacije Bosne i Hercegovine i Federalnom ministarstvu za pitanja boraca i invalida odbrambeno-oslobodilačkog rata a vezano uz planirane aktivnosti nakon dobivenog prijedloga radne grupe o uvođenju boračkog dodatka i izgleda hodograma na implementaciji prava u vezi sa boračkim dodatkom.

Ilija Ilić postavio je jedno pitanje.

Pitanje je postavio Kemalu Hrnjiću, ministru poljoprivrede, vodoprivrede i šumarstva, a vezano uz dostavu fiskalnih računa iz Republike Srpske i Brčko distrikta Bosne i Hercegovine za obrte i pravna lica, s obzirom na to da prema tamošnjim zakonima to nije obavezno.

Mehmed Memišević pokrenuo je inicijativu i postavio pitanje.

Inicijativu je pokrenuo prema Federalnom ministarstvu raseljenih lica i izbjeglica vezano uz implementiranje odluke o usvajanju programa utroška sredstava za sufinansiranje troškova povratnika.

Pitanje je postavio Rami Isaku, ministru unutrašnjih poslova – kakve su mjere poduzete u vezi sa aferom „spengavanje“.

Marijela Hašimbegović pokrenula je inicijativu i postavila pitanje.

Inicijativu je pokrenula prema Federalnom ministarstvu prostornog uređenja a odnosi se na hitno stavljanje van snage Pravilnika o izmjenama i dopunama Pravilnika o geotehničkim istraživanjima i ispitivanjima, te o organizaciji sadržaja misija geotehničkog inženjerstva.

Pitanje je postavila u vezi sa informacijama o prvobitnom iznosu budžeta planiranog za realizaciju projekta izgradnje tunela Hranjen.

Miomirka Melank postavila je pitanje Federalnom ministarstvu zdravstva vezano uz izradu nove strategije za unapređenje seksualnog i reproduktivnog zdravlja i prava u Federaciji Bosne i Hercegovine.

Muamer Zukić pokrenuo je inicijativu i postavio pitanje.

Inicijativu je pokrenuo prema Kolegiju Doma vezano uz pružanje podrške instituciji OHR-a.

Pitanje je postavio rukovodstvu u vezi sa uvrštavanja afere „spengavanje“ na dnevni red sjednice.

Aida Obuća postavila je pitanje Vladi Federacije Bosne i Hercegovine, premijeru Vlade Federacije Bosne i Hercegovine, Federalnom ministarstvu unutrašnjih poslova i Nezavisnom odboru te pita na osnovu kojih propisa je Vahidin Munjić postavljen na poziciju v.d. direktora Federalne uprave policije.

Damir Džeba postavio je pitanje Federalnom ministarstvu energije, rudarstva i industrije vezano uz ekonomsku opravdanost širenja eksploatacionog polja Donja Ričica, općina Uskoplje.

Haris Zahiragić postavio je tri pitanja i pokrenuo inicijativu.

Prvo pitanje postavio je Vladi Federacije Bosne i Hercegovine, Rami Isaku, ministru unutrašnjih poslova, te POSKOK-u u vezi sa trenutnom aferom u koju je umiješan v.d. direktor Uprave policije te o eventualnom postojanju medijskog plana u navedenoj situaciji.

Drugo pitanje uputio je Rami Isaku, ministru unutrašnjih poslova, a kojeg pita za autentičnost poruke između v.d. direktora Federalne uprave policije i Safeta Trakića.

Inicijativu je pokrenuo prema predsjedavajućem Doma naroda u vezi sa održavanjem tematske sjednice.

Treće pitanje uputio je Federalnom ministru finansija, a tiče se poduzimanja aktivnosti u vezi sa rasporedom javnih prihoda od indirektnih poreza.

Ilija Ilić pokrenuo je inicijativu i postavio dva pitanja.

Inicijativu je pokrenuo prema Vladi Federacije Bosne i Hercegovine vezano uz davanje saglasnosti Vladi Tuzlanskog kantona za donošenje Odluke o proglašenju dionice puta Tuzla-Dokanj–Previle regionalnim putem R450C.

Prvo pitanje postavio je Vladi Federacije Bosne i Hercegovine i Vladi Tuzlanskog kantona vezano uz uplaćena sredstva Vladi Tuzlanskog kantona za budžet ovog kantona

Drugo pitanje postavio je Javnom preduzeću Ceste Federacije Bosne i Hercegovine vezano uz fazu projekta završetka petlje Šićki Brod u Tuzli.

Vesna Saradžić je skrenula pažnju predsjedavajućem da treba postojati mogućnost repliciranja kada već postoji mogućnost raznih diskusija.

Amir Orlović uputio je inicijativu prema ministrici Federalnog ministarstva okoliša i turizma Nasihi Pozder a u vezi sa sanacijom devastiranih nekropola stećaka pored magistralnog puta M17 na pravcu Travnik - Donji Vakuf.

Almir Babajić uputio je inicijativu prema Vladi Federacije Bosne i Hercegovine, resornom ministarstvu, Federalnom ministarstvu unutrašnjih poslova, Federalnoj upravi policije i POSKOK-u vezano uz aferu „spengavanje kriminalaca“.

Nakon postavljenih delegatskih pitanja i upućenih inicijativa, Domu naroda Parlamenta Federacije Bosne i Hercegovine obratili su se Ramo Isak, ministar unutrašnjih poslova, koji je govorio o Vahidinu Munjiću i autentičnosti prepiski, te Nedžad Lokmić, federalni ministar za pitanja boraca i invalida odbrambeno-oslobodilačkog rata Federacije Bosne i Hercegovine govoreći o boračkom dodatku.

Senad Alić je postavio pitanje Federalnom ministarstvu pravde, Federalnom ministarstvu unutrašnjih poslova i Federalnom tužilaštvu da li se prepiska i telefonska komunikacija u aferi „spengavanje“ može tumačiti kao zloupotreba položaja.

Aida Obuća zatražila je pisani odgovor od Federalnog ministra unutrašnjih poslova u vezi sa imenovanjem Vahidina Munjića.

Predsjedavajući je obavijestio delegate da je prijedlog Kolegija da se zbog neprisustva predstavnika predlagача sjednicama klubova Doma naroda sa dnevnog reda skine tačka:

- Strategija za prevenciju ovisnosti u Federaciji Bosne i Hercegovine 2025.-2035. godina.

Na osnovu rezultata glasanja, predsjedavajući je konstatovao da je prijedlog Kolegija, sa 57 glasova za, uz tri uzdržana glasa i uz jedan glas protiv, dobio potrebnu većinu.

Predsjedavajući je obavijestio delegate da je prijedlog Kolegija da se u dnevni red uvrsti tačka:

- Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta GRCF2 W2 E2 – zgrade javne namjene Tuzlanskog kantona.

Na osnovu rezultata glasanja, predsjedavajući je konstatovao da je prijedlog Kolegija, sa 58 glasova za, uz dva uzdržana glasa i uz jedan glas protiv, dobio potrebnu većinu.

Predsjedavajući je obavijestio delegate da je prijedlog Kolegija da se u dnevni red uvrsti tačka:

- Prijedlog Odluke o utvrđivanju područja od važnosti za Federaciju Bosne i Hercegovine Međunarodni aerodrom Sarajevo.

Na osnovu rezultata glasanja, predsjedavajući je konstatovao da je prijedlog Kolegija, sa 63 glasa za, uz tri uzdržana glasa i uz jedan glas protiv, dobio potrebnu većinu.

Predsjedavajući je obavijestio delegate da je prijedlog Kolegija da se u dnevni red uvrsti tačka:

- Prijedlog zaključaka i preporuka na temu „Mladi i sigurnost: izazovi i odgovori u savremenom društvu“ (predlagač: Odbor za obrazovanje, nauku, kulturu, sport i pitanja mladih Doma naroda).

Na osnovu rezultata glasanja, predsjedavajući je konstatovao da je prijedlog Kolegija, sa 55 glasova za, uz jedan uzdržani glas i uz jedan glas protiv, dobio potrebnu većinu.

Muamer Zukić je saopštio da je grupa delegata u Domu naroda Parlamenta Federacije Bosne i Hercegovine podnijela pisani zahtjev za uvrštavanje u dnevni red tačke:

- Informacija o spornoj prepisci premijera Federacije Bosne i Hercegovine o „spengavanju“, a u vezi koje je nastala sumnja u montiranje sudskih procesa.

Na osnovu rezultata glasanja, predsjedavajući je konstatovao da prijedlog grupe delegata, sa 24 glasa za, uz 14 uzdržanih glasova i uz 28 glasova protiv, nije dobio potrebnu većinu.

Muamer Zukić je na sugestiju delegata koji su podnijeli prijedlog da se u dnevni red uvrsti Informacija o spornoj prepisci premijera Federacije Bosne i Hercegovine o „spengavanju“, a u vezi koje je nastala sumnja u montiranje sudskih procesa - zatražio pojedinačno izjašnjenje.

Sekretarka Doma naroda Aida Hadžić-Salkić obavila je pojedinačno izjašnjenje.

Na osnovu rezultata pojedinačnog izjašnjenja, predsjedavajući je konstatovao da prijedlog grupe delegata, sa 25 glasova za, uz 11 uzdržanih glasova i uz 34 glasa protiv, nije dobio potrebnu većinu.

Haris Zahiragić i **Muamer Zukić** su učestvovali u diskusiji u vezi sa predloženim dnevnim redom.

Muamer Zukić zatražio je pauzu pola sata.

Nakon pauze prešlo se na utvrđivanje dnevnog reda.

Na osnovu rezultata glasanja, predsjedavajući je konstatovao da je Dom naroda, sa 47 glasova za, uz 10 uzdržanih glasova i uz pet glasova protiv, usvojio sljedeći:

DNEVNI RED

1. Prijedlog Zakona o zaštiti prava na pravično suđenje u razumnom roku u Federaciji Bosne i Hercegovine,
2. Nacrt Zakona o izmjenama i dopunama Zakona o roditeljima njegovateljima u Federaciji Bosne i Hercegovine,
3. Strategija za unapređenje prava i položaja lica sa invaliditetom u Federaciji Bosne i Hercegovine 2025.-2030. godina,
4. Statut Radio-televizije Federacije Bosne i Hercegovine,
5. Izvještaj o realizaciji Strategije za prevenciju i borbu protiv nasilja u porodici za period 2024.-2027. godina,

6. Prijedlog Odluke o prihvatanju dodatnog zaduženja na osnovu izmijenjenog i obnovljenog ugovora na Ugovor o zajmu od 12.9.2018. godine između Bosne i Hercegovine i Evropske banke za obnovu i razvoj za realizaciju Projekta Koridor Vc - dio 3 dionica Poprikuše – Nemila;
7. Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Projekt pravedne tranzicije u odabranim regijama bogatim ugljem u Bosni i Hercegovini;
8. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta GRCF W2 E2 – zgrade javne namjene Tuzlanskog kantona;
9. Prijedlog Odluke o utvrđivanju područja od značaja za Federaciju Bosne i Hercegovine Međunarodni aerodrom Sarajevo;
10. a) Izvještaj o radu Fonda za profesionalnu rehabilitaciju i zapošljavanje lica s invaliditetom Federacije Bosne i Hercegovine za 2023. godinu,
b) Izvještaj o radu Fonda za profesionalnu rehabilitaciju i zapošljavanje lica s invaliditetom Federacije Bosne i Hercegovine za 2024. godinu;
11. Analitički izvještaj Fonda za zaštitu okoliša Federacije Bosne i Hercegovine za 2024. godinu;
12. a) Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1.1. - 30.6.2024. godine,
b) Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1.7. - 31.12.2024. godine,
c) Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1.1. - 30.6.2025. godine;
13. Izvještaj o stanju u oblasti oduzimanja imovinske koristi pribavljene krivičnim djelom u Federaciji Bosne i Hercegovine, pregled podataka i rezultati analiza Federalne agencije za upravljanje oduzetom imovinom za period 1.1 - 31.12.2024. godine;
14. Prijedlog zaključaka i preporuka na temu "Mladi i sigurnost: izazovi i odgovori u savremenom društvu" (predlagač: Odbor za obrazovanje, nauku, kulturu, sport i pitanja mladih Doma naroda).

1. Prijedlog Zakona o zaštiti prava na pravično suđenje u razumnom roku u Federaciji Bosne i Hercegovine

Prijedlog Zakona utvrdila je Vlada Federacije Bosne i Hercegovine i naknadno podnijela amandman na Prijedlog Zakona o zaštiti prava na pravično suđenje u razumnom roku u Federaciji Bosne i Hercegovine, koji je postao sastavni dio Prijedloga Zakona.

Predstavnički dom obavijestio je Dom naroda da je na 25. sjednici, održanoj 28.10.2025. godine, usvojio Prijedlog Zakona o zaštiti prava na pravično suđenje u razumnom roku u Federaciji Bosne i Hercegovine sa jednim amandmanom Vlade Federacije Bosne i Hercegovine, koji je postao sastavni dio Prijedloga Zakona.

Prijedlog Zakona razmatrala su nadležna radna tijela.

Prijedlog Zakona obrazložio je federalni ministar pravde Vedran Škrobić.

Predstavnici radnih tijela nisu obrazlagali svoje izvještaje.

U raspravi niko nije učestvovao.

Na osnovu rezultata glasanja, predsjedavajući je konstatovao da je, sa 53 glasa za, uz sedam uzdržanih glasova i uz dva glasa protiv, usvojio Prijedlog Zakona o zaštiti prava na pravično suđenje u razumnom roku u Federaciji Bosne i Hercegovine.

2. Nacrt Zakona o izmjenama i dopunama Zakona o roditeljima njegovateljima u Federaciji Bosne i Hercegovine

Nacrt zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 25. sjednici, održanoj 28.10.2025. godine, razmatrao i Zaključkom usvojio Nacrt Zakona o izmjenama i dopunama Zakona o roditeljima njegovateljima u Federaciji Bosne i Hercegovine.

Nacrt Zakona upućen je u javnu raspravu.

Nacrt Zakona obrazložio je Adnan Delić, federalni ministar rada i socijalne politike.

Predstavnici radnih tijela nisu obrazlagali svoje izvještaje.

U raspravi su učestvovali: Sandra Imširović, Zora Dujmović, Damir Džeba i Adnan Delić.

Na osnovu rezultata glasanja, predsjedavajući je konstatovao da je Dom naroda, sa 57 glasova za, bez uzdržanih glasova i bez glasova protiv, usvojio sljedeći:

Z A K L J U Č A K

1. Dom naroda Parlamenta Federacije Bosne i Hercegovine prihvata Nacrt Zakona o izmjenama i dopunama Zakona o roditeljima njegovateljima u Federaciji Bosne i Hercegovine i smatra da može poslužiti kao osnov za izradu prijedloga Zakona.
2. Zadužuje se Vlada Federacije Bosne i Hercegovine da o ovom nacrtu zakona organizira i provede javnu raspravu od 30 dana u skladu sa procedurama predviđenim Ustavom Federacije Bosne i Hercegovine za donošenje zakona iz zajedničke nadležnosti federalne vlasti i kantona.
3. Zadužuje se Stručna služba Doma naroda Parlamenta Federacije Bosne i Hercegovine da ovaj zaključak i Nacrt Zakona o izmjenama i dopunama Zakona o roditeljima njegovateljima u Federaciji Bosne i Hercegovine dostavi kantonalnim skupštinama radi davanja mišljenja u roku 60 dana.
4. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene u raspravi na sjednici Doma naroda, javnoj raspravi, mišljenja kantonalnih skupština, kao i one koje su dostavljene ili će biti dostavljene u pisanoj formi.

Potom se prešlo na glasanje o Zaključku delegatkinje Sandre Imširović.

Na osnovu rezultata glasanja, predsjedavajući je konstatovao da je Dom naroda, sa 47 glasova za, uz tri uzdržana glasa i bez glasova protiv, donio sljedeći:

Z A K L J U Č A K

1. Zadužuje se Federalno ministarstvo rada i socijalne politike da tokom javne rasprave u vezi sa Nacrtom Zakona o izmjenama i dopunama Zakona o roditeljima njegovateljima u Federaciji Bosne i Hercegovine održi sastanak sa predstavnicima Mreže udruženja Federacije “Moje pravo” i drugim zainteresiranim organizacijama civilnog društva u Federaciji Bosne i Hercegovine, koje pružaju podršku djeci i licima sa poteškoćama u razvoju, neurorazvojnim i intelektualnim, kombinovanim poteškoćama u razvoju, te iz autističnog spektra s ciljem da se detaljno razmotri inicijativa da se u pravo prema Zakonu o roditeljima njegovateljima u Federaciji Bosne i Hercegovine uvedu i roditelji i srodnici djece i lica s poteškoćama u razvoju i/ili invaliditetom koji imaju priznato pravo na dodatak za njegu i pomoć od drugih lica druge grupe.

2. Zaključak stupa na snagu danom donošenja.

3. Strategija za unapređenje prava i položaja lica sa invaliditetom u Federaciji Bosne i Hercegovine 2025.-2030. godina

Strategiju je utvrdila Vlada Federacije Bosne i Hercegovine.

Predstavnički dom obavijestio je Dom naroda da je na 25. sjednici, održanoj 28.10.2025. godine, donio Odluku o usvajanju Strategije za unapređenje prava i položaja lica sa invaliditetom.

Strategiju su razmatrala nadležna radna tijela.

Strategiju je obrazložio Adnan Delić, federalni ministar rada i socijalne politike.

Predstavnici radnih tijela nisu obrazlagali svoje izvještaje.

U raspravi je učestvovala Marijela Hašimbegović.

Na osnovu rezultata glasanja, predsjedavajući je konstatovao da je Dom naroda, sa 59 glasa za, bez uzdržanih glasova i bez glasova protiv, donio Odluku o usvajanju Strategije za unapređenje prava i položaja lica sa invaliditetom.

4. Statut Radio-televizije Federacije Bosne i Hercegovine

Statut Radio-televizije Federacije Bosne i Hercegovine donio je Upravni odbor Radio-televizije Federacije Bosne i Hercegovine, a potrebno je da ga Parlament Federacije Bosne i Hercegovine potvrdi.

Predstavnički dom obavijestio je Dom naroda da je na 25. sjednici, održanoj 28.10.2025. godine, razmatrao i donio Odluku o potvrđivanju Statuta Radio-televizije Federacije Bosne i Hercegovine.

Statut su razmatrala nadležna radna tijela.

Statut je obrazložila Danijela Gogić, predsjednica Upravnog odbora Radio-televizije Federacije Bosne i Hercegovine.

Predstavnici radnih tijela nisu obrazlagali svoje izvještaje.

U raspravi su učestvovali: Amir Orlović, Emir Dautović, Marijela Hašimbegović, Haris Zahiragić, Damir Džeba, Muamer Zukić, Senad Alić, Mehmed Memišević i Oliver Soldo.

Na osnovu rezultata glasanja, predsjedavajući je konstatovao da je Dom naroda, sa 41 glasom za, uz pet uzdržanih glasova i uz sedam glasova protiv, donio Odluku o potvrđivanju Statuta Radio-televizije Federacije Bosne i Hercegovine.

5. Izvještaj o realizaciji Strategije za prevenciju i borbu protiv nasilja u porodici za period 2024.-2027. godina

Izvještaj je dostavila Vlada Federacije Bosne i Hercegovine radi informiranja.

Predstavnički dom obavijestio je Dom naroda da je na 25. sjednici, održanoj 28.10.2025. godine, primio na znanje Izvještaj o realizaciji Strategije za prevenciju i borbu protiv nasilja u porodici 2024.-2027. godina tokom 2024. godine.

Izvještaj su razmatrala nadležna radna tijela.

Izvještaj je obrazložio Zlatan Hrnčić, predstavnik Vlade Federacije Bosne i Hercegovine.

Marina Mujkanović obrazložila je izvještaj Komisije za jednakopravnost spolova Doma naroda Parlamenta Federacije Bosne i Hercegovine u vezi sa Izvještajem o realizaciji Strategije za prevenciju i borbu protiv nasilja u porodici za period 2024.-2027. godina.

U raspravi je učestvovala Miomirka Melank.

Na osnovu rezultata glasanja, predsjedavajući je konstatovao da je Dom naroda primio k znanju Izvještaj o realizaciji Strategije za prevenciju i borbu protiv nasilja u porodici za period 2024.-2027. godina.

Predsjedavajući je saopštio da je odlučio, u konsultaciji sa oba potpredsjedavajuća, da se rad sjednice prekine, a o njenom nastavku delegati će biti pravovremeno obaviješteni.

Sjednica je prekinula rad u 17 sati i 56 minuta.

Transkript sjednice čini sastavni dio Zapisnika.

NASTAVAK
22. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 11.11.2025. godine

Sjednica je počela sa radom u 11 sati i 30 minuta.

Sjednici je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegatkinje i delegate, potpredsjednika Federacije Bosne i Hercegovine Refika Lendu, predstavnika Vlade Federacije Bosne i Hercegovine te predstavnike medijskih kuća.

Izostanak sa sjednice najavili su: Sanela Klarić, Ivan Odak, Amra Babić, Anto Bilić, Goran Bulajić i Dragana Damjanović.

Prema evidenciji Stručne službe, sjednici prisustvuje 57 delegata, što čini većinu, pa Dom naroda može raditi i punovažno odlučivati.

Prije prelaska na rad minutom šutnje odata je počast tragično preminulim u Domu penzionera u Tuzli.

Potom je nastavljen rad sjednice prelaskom na 6. tačku dnevnog reda.

6. Prijedlog Odluke o prihvatanju dodatnog zaduženja na osnovu izmijenjenog i obnovljenog ugovora na Ugovor o zajmu od 12. septembra 2018. godine između Bosne i Hercegovine i Evropske banke za obnovu i razvoj za realizaciju Projekta Koridor Vc - dio 3 dionica Poprikuše – Nemila

Prijedlog Odluke dostavila je Vlada Federacije Bosne i Hercegovine.

Predstavnički dom obavijestio je Dom naroda da je na 25. sjednici, održanoj 28.10.2025. godine, donio Odluku o prihvatanju dodatnog zaduženja po osnovu Izmijenjenog i obnovljenog ugovora na Ugovor o zajmu od 12. septembra 2018. godine između Bosne i Hercegovine i Evropske banke za obnovu i razvoj za realizaciju Projekta Koridor Vc - dio 3 dionica Poprikuše – Nemila.

Prijedlog Odluke obrazložio je Vedad Nezirić, šef Odsjeka za zaduživanje u Federalnom ministarstvu finansija.

Predsjedavajući Doma naroda Parlamenta Federacije Bosne i Hercegovine konstatovao je da su, analizirajući Odluku o prihvatanju dodatnog zaduženja na osnovu izmijenjenog i obnovljenog ugovora na Ugovor o zajmu od 12.9.2018. godine između Bosne i Hercegovine i Evropske banke za obnovu i razvoj za realizaciju Projekta Koridor Vc - dio 3 dionica Poprikuše – Nemila i Odluku o zaduženju vezano uz objekte namjene Tuzlanskog kantona - primijetili da u preambuli te odluke kao pravni osnov pišu zakoni koji više nisu na snazi.

Predstavnici radnih tijela nisu obrazlagali svoje izvještaje.

Domu naroda se obratio i Kristijan Milas, izvršni direktor za ekonomsko-finansijske poslove u JP Autoceste Federacije d.o.o. Mostar.

U raspravi su učestvovali Aida Obuća, Vedad Nezirić i Kristijan Milas.

Na osnovu rezultata glasanja, predsjedavajući je konstatovao da Dom naroda, sa 39 glasova za, uz šest uzdržanih i uz 12 glasova protiv, nije donio Odluku o prihvatanju dodatnog zaduženja na osnovu izmijenjenog i obnovljenog ugovora na Ugovor o zajmu od 12.9.2018. godine između Bosne i Hercegovine i Evropske banke za obnovu i razvoj za realizaciju Projekta Koridor Vc - dio 3 dionica Poprikuše – Nemila.

Delegatkinja Vesna Saradžić tražila je pojedinačno izjašnjavanje.

Sekretarka Doma naroda Aida Hadžić-Salkić obavila je pojedinačno izjašnjavanje.

Na osnovu rezultata pojedinačnog izjašnjavanja, predsjedavajući je konstatovao da Dom naroda, sa 39 glasova za, uz četiri uzdržana i uz 13 glasova protiv, nije donio Odluku o prihvatanju dodatnog zaduženja na osnovu izmijenjenog i obnovljenog ugovora na Ugovor o zajmu od 12.9.2018. godine između Bosne i Hercegovine i Evropske banke za obnovu i razvoj za realizaciju Projekta Koridor Vc - dio 3 dionica Poprikuše – Nemila.

7. Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Projekt pravedne tranzicije u odabranim regijama bogatim ugljem u Bosni i Hercegovini

Prijedlog Odluke dostavila je Vlada Federacije Bosne i Hercegovine.

Predstavnički dom obavijestio je Dom naroda da na 25. sjednici, održanoj 28.10.2025. godine, nije donio Odluku o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Projekt pravedne tranzicije u odabranim regijama bogatim ugljem u Bosni i Hercegovini.

Prijedlog Odluke razmatrala su nadležna radna tijela.

Prijedlog Odluke obrazložio je Vedran Lakić, federalni ministar energije, rudarstva i industrije.

U raspravi su učestvovali: Vedrana Vujović, Emir Dautović, Enes Peštek, Boris Mrnjavac, Almir Babajić, Eldin Delić, Damir Džeba i Vedran Lakić.

Predsjedavajući je pozdravio Lidiju Bradaru, predsjednicu Federacije Bosne i Hercegovine, koja se u međuvremenu pridružila radu sjednice.

Na osnovu rezultata glasanja, predsjedavajući je konstatovao da je Dom naroda, sa 42 glasa za, uz 10 uzdržanih i uz četiri glasa protiv, donio Odluku o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Projekt pravedne tranzicije u odabranim regijama bogatim ugljem u Bosni i Hercegovini.

8. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta GRCF W2 E2 – zgrade javne namjene Tuzlanskog kantona

Prijedlog Odluke utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 25. sjednici, održanoj 28.10.2025. godine, donio Odluku o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta GRCF W2 E2 – zgrade javne namjene Tuzlanskog kantona.

Prijedlog Odluke obrazložio je Vedad Nezirić, predstavnik Vlade Federacije Bosne i Hercegovine.

Predstavnici radnih tijela nisu obrazlagali svoje izvještaje.

U raspravi su učestvovali Damir Džeba i Vedad Nezirić.

Na osnovu rezultata glasanja, predsjedavajući je konstatovao da je Dom naroda, sa 47 glasova za, uz dva uzdržana glasa i bez glasova protiv, donio Odluku o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta GRCF W2 E2 – zgrade javne namjene Tuzlanskog kantona, uz tehničku primjedbu koju je dao predstavnik Federalnog ministarstva finansija, koja glasi:

„U preambuli Odluke potrebno se pozvati na član 25. stav (7) Zakona o dugu, zaduživanju i jamstvima u Federaciji Bosne i Hercegovine („Službene novine Federacije BiH“, br. 45/25) budući da je Zakon o dugu, zaduživanju i jamstvima u Federaciji Bosne i Hercegovine („Službene novine Federacije BiH“, br. 86/07, 24/09, 44/10 i 30/16) prestao važiti 26.6.2025. godine.“.

Muamer Zukić je zatražio pauzu 15-20 minuta.

Nakon pauze prešlo se na rad po 9. tački dnevnog reda.

9. Prijedlog Odluke o utvrđivanju područja od značaja za Federaciju Bosne i Hercegovine Međunarodni aerodrom Sarajevo

Prijedlog Odluke utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 35. sjednici, održanoj 27.7.2022. godine, donio Odluku o utvrđivanju područja od značaja za Federaciju Bosne i Hercegovine Međunarodni aerodrom Sarajevo.

Prijedlog Odluke obrazložio je Igor Dizdar, v.d. pomoćnika Federalnog ministarstva za prostorno planiranje.

Predstavnici radnih tijela nisu obrazlagali svoje izvještaje.

U raspravi je učestvovala Vedrana Vujović.

Na osnovu rezultata glasanja, predsjedavajući je konstatovao da je Dom naroda, sa 48 glasova za, uz jedan uzdržani glas i bez glasova protiv, donio Odluku o utvrđivanju područja od značaja za Federaciju Bosne i Hercegovine Međunarodni aerodrom Sarajevo.

10. Izvještaj o radu Fonda za profesionalnu rehabilitaciju i zapošljavanje lica s invaliditetom Federacije Bosne i Hercegovine za 2023. i 2024. godinu

Izvještaj je dostavila Vlada Federacije Bosne i Hercegovine.

Predstavnički dom obavijestio je Dom naroda da je na 25. sjednici, održanoj 28.10.2025. godine, usvojio Izvještaj o radu Fonda za profesionalnu rehabilitaciju i zapošljavanje lica s invaliditetom za 2023. godinu zajedno sa Izvještajem Upravnog odbora o poslovanju Fonda za profesionalnu rehabilitaciju i zapošljavanje lica s invaliditetom Federacije Bosne i Hercegovine za 2023. godinu, Izvještajem o radu Nadzornog odbora Fonda za profesionalnu rehabilitaciju i zapošljavanje lica s invaliditetom Federacije Bosne i Hercegovine za 2023. godinu i Izvještajem o izvršenju Finansijskog plana Fonda za profesionalnu rehabilitaciju i zapošljavanje lica s invaliditetom Federacije Bosne i Hercegovine za 2023. godinu, Izvještaj o radu Fonda za profesionalnu rehabilitaciju i zapošljavanje lica s invaliditetom za 2024. godinu zajedno sa Izvještajem privremenog Upravnog odbora o poslovanju Fonda za profesionalnu rehabilitaciju i zapošljavanje lica s invaliditetom Federacije Bosne i Hercegovine za 2024. godinu, Izvještajem o radu privremenog Nadzornog odbora Fonda za profesionalnu rehabilitaciju i zapošljavanje lica s invaliditetom Federacije Bosne i Hercegovine za 2024. godinu i Izvještajem o izvršenju Finansijskog plana Fonda za profesionalnu rehabilitaciju i zapošljavanje lica s invaliditetom Federacije Bosne i Hercegovine za 2024. godinu.

Izvještaje za 2023. i 2024. godinu obrazložio je predstavnik Fonda za profesionalnu rehabilitaciju i zapošljavanje lica s invaliditetom.

U raspravi su učestvovali: Belma Kapo, Damir Džebo, Ivana Zrimšek-Šaravanja i predstavnik Vlade Federacije Bosne i Hercegovine.

Na osnovu rezultata glasanja, predsjedavajući je konstatovao da je Dom naroda, sa 48 glasova za, bez uzdržanih i bez glasova protiv, usvojio Izvještaj o radu Fonda za profesionalnu rehabilitaciju i zapošljavanje lica s invaliditetom za 2023. godinu zajedno sa Izvještajem Upravnog odbora o poslovanju Fonda za profesionalnu rehabilitaciju i zapošljavanje lica s invaliditetom Federacije Bosne i Hercegovine za 2023. godinu, Izvještajem o radu Nadzornog odbora Fonda za profesionalnu rehabilitaciju i zapošljavanje lica s invaliditetom Federacije Bosne i Hercegovine za 2023. godinu i Izvještajem o izvršenju Finansijskog plana Fonda za profesionalnu rehabilitaciju i zapošljavanje lica s invaliditetom Federacije Bosne i Hercegovine za 2023. godinu.

Na osnovu rezultata glasanja, predsjedavajući je konstatovao da je Dom naroda, sa 47 glasova za, bez uzdržanih i bez glasova protiv, usvojio Izvještaj o radu Fonda za profesionalnu rehabilitaciju i zapošljavanje lica s invaliditetom za 2024. godinu zajedno sa Izvještajem

privremenog Upravnog odbora o poslovanju Fonda za profesionalnu rehabilitaciju i zapošljavanje lica s invaliditetom Federacije Bosne i Hercegovine za 2024. godinu, Izvještajem o radu privremenog Nadzornog odbora Fonda za profesionalnu rehabilitaciju i zapošljavanje lica s invaliditetom Federacije Bosne i Hercegovine za 2024. godinu i Izvještajem o izvršenju Finansijskog plana Fonda za profesionalnu rehabilitaciju i zapošljavanje lica s invaliditetom Federacije Bosne i Hercegovine za 2024. godinu.

11. Analitički izvještaj Fonda za zaštitu okoliša Federacije Bosne i Hercegovine za 2024. godinu

Analitički izvještaj i Prijedlog Odluke dostavila je Vlada Federacije Bosne i Hercegovine.

Predstavnički dom obavijestio je Dom naroda da je na 24. sjednici, održanoj 25.9.2025. godine, donio Odluku o prihvatanju Analitičkog izvještaja Fonda za zaštitu okoliša Federacije Bosne i Hercegovine za 2024. godinu.

Izvještaj je obrazložio Elvis Bebaković, predstavnik Fonda za zaštitu okoliša.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 43 glasa za, uz pet uzdržanih glasova i bez glasova protiv, donio Odluku o prihvatanju Analitičkog izvještaja Fonda za zaštitu okoliša Federacije Bosne i Hercegovine za 2024. godinu.

12. a) Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1.1. - 30.6.2024. godine

b) Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1.7. - 31.12.2024. godine

c) Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1.1. - 30.6.2025. godine

Izvještaje je dostavila Vlada Federacije Bosne i Hercegovine.

Predstavnički dom obavijestio je Dom naroda da je na 24. sjednici, održanoj 25.9.2025. godine, prihvatio izvještaje o radu i finansijsko-materijalnom poslovanju Federalne agencije za upravljanje oduzetom imovinom za periode 1.1. - 30.6.2024. godine; 1.7. - 31.12.2024. godine i 1.1. - 30.6.2025. godine.

Izvještaje je obrazložio predstavnik Federalne agencije za upravljanje oduzetom imovinom.

U raspravi su učestvovali: Jelena Pekić, Belma Kapo, Vedrana Vujović i predstavnik Federalne agencije za upravljanje oduzetom imovinom.

Na osnovu rezultata glasanja, predsjedavajući je konstatovao da je Dom naroda, sa 42 glasa za, uz tri uzdržana glasa i bez glasova protiv, usvojio Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1.1. - 30.6.2024. godine.

Na osnovu rezultata glasanja, predsjedavajući je konstatovao da Dom naroda, sa 38 glasova za, uz šest uzdržanih glasova i bez glasova protiv, nije usvojio Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1.7. - 31.12.2024. godine.

Vesna Saradžić je zatražila pojedinačno izjašnjavanje.

Sekretarka Doma naroda Aida Hadžić-Salkić obavila je pojedinačno izjašnjavanje.

Na osnovu rezultata pojedinačnog izjašnjavanja, predsjedavajući je konstatovao da Dom naroda, sa 39 glasova za, uz devet uzdržanih i bez glasova protiv, nije usvojio Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1.7. - 31.12.2024. godine.

Na osnovu rezultata glasanja, predsjedavajući je konstatovao da Dom naroda, sa 33 glasa za, uz osam uzdržanih glasova i bez glasova protiv, nije usvojio Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1.1. - 30.6.2025. godine.

13. Izvještaj o stanju u oblasti oduzimanja imovinske koristi pribavljene krivičnim djelom u Federaciji Bosne i Hercegovine, pregled podataka i rezultati analiza Federalne agencije za upravljanje oduzetom imovinom za period 1.1 - 31.12.2024. godine

Izvještaj je dostavila Vlada Federacije Bosne i Hercegovine.

Predstavnički dom obavijestio je Dom naroda da je na 24. sjednici, održanoj 25.9.2025. godine, primio k znanju Izvještaj o stanju u oblasti oduzimanja imovinske koristi pribavljene krivičnim djelom u Federaciji Bosne i Hercegovine, pregled podataka i rezultati analiza Federalne agencije za upravljanje oduzetom imovinom za period 1.1 - 31.12.2024. godine.

Izvještaj je obrazložio predstavnik Federalne agencije za upravljanje oduzetom imovinom.

U raspravi niko nije učestvovao.

Predsjedavajući je konstatovao da je Dom naroda primio k znanju Izvještaj o stanju u oblasti oduzimanja imovinske koristi pribavljene krivičnim djelom u Federaciji Bosne i Hercegovine, pregled podataka i rezultati analiza Federalne agencije za upravljanje oduzetom imovinom za period 1.1 - 31.12.2024. godine.

Predsjedavajući Doma naroda dao je pauzu 10 minuta.

14. Prijedlog zaključaka i preporuka na temu "Mladi i sigurnost: izazovi i odgovori u savremenom društvu" (predlagač: Odbor za obrazovanje, nauku, kulturu, sport i pitanja mladih Doma naroda)

Predstavnički dom obavijestio je Dom naroda da je na 25. sjednici, održanoj 28.10.2025. godine, usvojio zaključke i preporuke sa tematske sjednice Komisije za pitanja mladih Predstavničkog doma.

Prijedlog zaključaka i preporuka obrazložio je Emir Dautović, predstavnik Odbora za obrazovanje, nauku, kulturu, sport i pitanja mladih Doma naroda.

U raspravi niko nije učestvovao.

Na osnovu rezultata glasanja, predsjedavajući je konstatovao da Dom naroda, sa 25 glasova za, uz 14 uzdržanih i uz jedan glas protiv, nije usvojio Prijedlog zaključaka i preporuka na temu "Mladi i sigurnost: izazovi i odgovori u savremenom društvu".

Emir Dautović je zatražio pojedinačno izjašnjavanje.

Sekretarka Doma naroda Aida Hadžić-Salkić obavila je pojedinačno izjašnjavanje.

Na osnovu rezultata pojedinačnog izjašnjavanja, predsjedavajući je konstatovao da Dom naroda, sa 27 glasova za, uz 17 uzdržanih i bez glasova protiv, nije usvojio Prijedlog zaključaka i preporuka na temu "Mladi i sigurnost: izazovi i odgovori u savremenom društvu".

Sjednica je završila rad u 15 sati i 18 minuta.

Transkript sjednice čini sastavni dio Zapisnika.

SEKRETARKA
DOMA NARODA

Aida Hadžić-Salkić

PREDSJEDAVAJUĆI
DOMA NARODA

Tomislav Martinović